



Republika e Kosovës

Republika Kosova - Republic of Health

Qeveria - Vlada - Government

Ministria e Shëndetësisë / Ministarstvo Zdravstva / Ministry of Health

Instituti Kombëtar i Shëndetësisë Publike të Kosovës

RAPORT VJETOR I VAKSINIMIT

2024

Janar, 2025

HYRJE

Programi i zgjeruar i imunizimit (PZI) konsiderohet si proces i suksesshëm në kuadër të fushës së shëndetit publik në Kosovë. Një nga prioritetet e Qeverisë së Republikës së Kosovës (QRK) është edhe zbatimi i PZI me qëllim të parandalimit të sëmundjeve ngjitëse vaksinë parandaluese duke synuar përfshirjen e plotë të të gjitha komuniteteve të cilat jetojnë në Republikën e Kosovës.

Ministria e Shëndetësisë (MSh) siguron qëndrueshmëri financiare për PZI përmes sigurimit të vaksinave. Në bashkëpunim me Institutin Kombëtar të Shëndetësisë Publike të Kosovës (IKShPK) si mbikëqyrës i zbatimit të programit dhe Institucionet e Kujdesit Parësor Shëndetësor (KPSH) si institucione zbatuese, është siguruar qëndrueshmëria e këtij programi, në përgjithësi. Qendrat Rajonale të Shëndetësisë Publike (QRShP) janë përgjegjëse për analizën e të dhënave të grumbulluara dhe monitorimin e performancës së imunizimit dhe raportimin e tyre.

Viti 2024 ka qenë mjaft sfidues sa i përket PZI me përfshirjen e tri vaksinave të reja në Kalendarin e rregullt të vaksinimit (vaksina kundër rotavirusit, pneumokokut, HPV). Implementimi i suksesshëm i këtyre tri vaksinave në kalendar të rregullt ka kërkuar përpjekje të koordinuara dhe angazhim maksimal institucional.

Të gjitha aktivitetet janë realizuar sipas Planit të Veprimit për Vaksinim 2023-2026 dhe janë të lidhura me rritjen e mbulueshmërisë së vaksinimit dhe ngritjen e kapaciteteve përmes trajnimeve, vlerësimeve dhe fushatave të ndryshme, duke përfshirë vaksinimin kundër HPV të vajzat në komunitetet vulnerabile.

Gjithashtu, është përditësuar dhe shpërndarë planprogrami i vaksinimit për profesionistët shëndetësorë në institucione shëndetësore të KPSH.


AKTIVITETET E REALIZUARA

Sa i përket ngritjes së kapaciteteve të burimeve njerëzore, mbi 550 mjekë dhe 1664 infermierë janë trajnuar për ofrimin e shërbimeve të vaksinimit. Aktivitetet e mbikëqyrjes kanë përfshirë vaksinimin plotësues dhe fushata "derë me derë" për identifikimin dhe vaksinimin e fëmijëve të pavaksinuar, veçanërisht në komunitetet vulnerabile, Rom, Ashkali dhe Egjiptian.

Janë realizuar 350 sesione informuese për vaksinimin kundër HPV me prindërit dhe mësimmëdhënësit në shkolla nga të gjitha komunat. Gjithashtu, janë realizuar takime periodike me ekipet e vaksinimit për koordinimin dhe monitorimin e programit të vaksinimit në nivel vendi.

Me rekomandim nga Komiteti Profesional Këshillues për Imunizim (KPKI) dhe aprovim nga Ministri i Shëndetësisë këtë vit do të fillohet me vaksinimin e djemve me vaksinën kundër HPV.

Mbulueshmëria me vaksinimin sipas Kalendarit të rregullt në nivel vendi, 2024



Në grafikonin me lartë është paraqitur mbulueshmëria sipas llojit të vaksinës në kalendarin e rregullt të vaksinimit. Sipas analizës vërehet variacion në mbulueshmëri, sa i përket grupit të vaksinave që administrohen nga 0 deri në 11 muaj. Mbulueshmëria është mjaft e lartë për dozën e parë dhe dytë mbi 90% e pasuar me dozën e tretë 80%, përfshirë edhe vaksinat e reja si ajo kundër rotavirusit dhe pneumokokut.

Sfidë mbetet mbulueshmëria e ulët me vaksinën kundër fruthit, rubellës, parotitit (MMR), marrë parasysh situatën epidemiologjike me fruth në vend, rajon dhe botë.

Ndërsa sa i përket vaksinimit të fëmijëve në klasën e parë, mbulueshmëria me dozën e dytë të vaksinës MMR dhe rivaksinimi kundër difterisë, tetanusit, poliomielitit është 94%, ndërsa klasa e gjashtë 88% e rivaksinimit të tretë kundër difterisë, tetanusit, poliomielitit.

Një sukses i jashtzakonshëm është vaksinimi i vajzave të klasëve të gjashta me vaksinën kundër HPV, ku në vitin e parë është arritur mbulueshmëria prej 85%.

Vaksinimi kundër gripit sezonal

Bazuar në planifikimet e IKShPK-së, MSh për sezonën e gripit 2024/2025 ka siguruar 85,000 doza të vaksinës kundër gripit sezonal, prej të cilave përmes Sistemit të menaxhimit të stokut farmaceutik (SMSF) janë shpërndarë në të gjitha Qendrat Kryesore të Mjekësisë Familjare (QKMF) të cilat më tutje kanë bërë shpërndarjen e vaksinave në njësitë e tyre vartëse ku ofrohen shërbimet e vaksinimit (Qendra të Mjekësisë Familjare/QMF dhe Ambulantat e Mjekësisë familjare / AMF).

Nga data 9 tetor deri me 31 dhjetor 2023 janë administruar gjithsej 64,011 doza të vaksinës kundër gripit sezonal në nivel vendi. Sa i përket grupeve të rrezikut, mbulueshmëria më e lartë me vaksinim i përket qytetarëve mbi 65 vjeç me 42,844 ose 26.6%, me gjendje të caktuara shëndetësore 20,862, punëtorë shëndetësor 1,446 ose 6.0 %, gra shtatzëna 3 ose 0.01%. Vaksinimi kundër gripit sezonal është duke vazhduar në të gjitha komunat e Kosovës dhe gjatë janarit është vërejtur një rritje e kërkesës për vaksinim kundër gripit sezonal që korrespondon me rritjen e rasteve me grip.

Vaksinimi kundër tetanusit me indikacion

Gjithsej janë administruar si doza të para, 12,657, doza të dyta 1,888, doza të treta 970 dhe doza përforcuese 24.

Vaksinimi kundër Hepatiti B me indikacion

Gjithsej janë administruar 4321 doza të vaksinës kundër HepB, prej tyre punëtorë shëndetësor me dozën e parë 1002, me dozën e dytë 743, dozën e tretë 493 dhe 78 si dozë përforcuese. Kontaktet familjare me HbsAg pozitiv me dozën e parë janë vaksinuar 126, dozën e dytë 98, dozën e tretë 94 dhe dozë rikujtuese 14. Për personat me sëmundje kronike të mëlçisë janë administruar gjithsej 406 doza, persona që udhëtojnë jashtë shtetit janë administruar 626 doza, 1 dozë për një person me HIV dhe 203 doza janë administruar për personat me profesione të ndryshme.

Gjithashtu për 14 persona ka qenë indikacion marrja e Imunoglobulines kundër hepatit B.

Vaksinimi kundër Rabiesit me indikacion

Gjatë vitit 2024 me rritjen e numrit të rasteve të kafshimit të qytetarëve nga qentë endacak, është shtuar edhe kërkesa për vaksinimin kundër rabiesit. Gjithsej janë administruar 849 doza të vaksinës kundër rabiesit në nivel vendi.

Vaksinimi kundër Meningjtit

Gjatë vitit 2024 janë vaksinuar 2060 qytetarë, përfshirë pelegrinët e Haxhit dhe Umrës.

Vaksinimi sipas trafikut ndërkombëtar

Sa i përket vaksinimit sipas trafikut ndërkombëtar janë mbuluar 100% kërkesat e qytetarëve tek të cilët indikohet ky vaksinim për grupe ose individë të caktuar që udhëtojnë në vendet endemo-epidemike për sëmundje të caktuara.

Gjithashtu, të gjithë qytetarët që vaksinohen pajisen me çertifikatë ndërkombëtare të vaksinimit në IKShPK.